

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**MIŠLJENJE**

**po Zahtjevu privrednog subjekta (..)\*\* o obavezi podnošenja prijave koncentracije**

**Sarajevo**  
**novembar, 2016. godine**



Broj: 01-26-7-027-1-I/16  
Sarajevo, 10. novembar 2016. godine

Na osnovu člana 25. stav (2) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja privrednog subjekta (..)\*\*<sup>1</sup>, zastupan po advokatu Draganu Brkoviću iz advokatskog društva „Ibrahimović&Co“ d.o.o. Brčko distrikt BiH, Bijeljinska 9, 76100 Brčko distrikt BiH zaprimljenom dana 10. oktobra 2016. godine pod brojem: 01-26-7-027-1/I/16 Konkurencijsko vijeće, na 135. (stotinutridesetpetoj) sjednici održanoj dana 10. novembra 2016. godine, donijelo je

### MIŠLJENJE

Konkurencijsko vijeće je dana 10. oktobra 2016. godine zaprimilo od strane privrednog subjekta (..)\*\* (u daljnjem tekstu: (..)\*\*) zastupan po advokatu Draganu Brkoviću iz advokatskog društva „Ibrahimović&Co“ d.o.o. Brčko distrikt BiH, Bijeljinska 9, 76100 Brčko distrikt BiH, zahtjev za davanje mišljenja u vezi sa postojanjem obaveze podnošenja prijave koncentracije učesnika na tržištu Bosne i Hercegovine.

Podnosilac Zahtjeva navodi sljedeće:

- da privredno društvo (..)\*\* kao prvi učesnik potencijalne koncentracije, čija je osnovna djelatnost 7022 – savjetovanje u vezi sa poslovanjem i ostalim upravljanjem planira da zaključivanjem ugovora o prenosu udjela, kupi udjele od 100% u privrednim društvima:
  1. (..)\*\* i
  2. (..)\*\*;
- da je trenutni vlasnik 100% udjela u ovim privrednim društvima potencijalni drugi učesnik koncentracije (..)\*\*;
- da ukoliko se realizuje planirani prenos udjela, (..)\*\* bi postao 100% vlasnik udjela u (..)\*\* i (..)\*\*;
- da su povezana lica (..)\*\* fizička i pravna lica:
  1. (..)\*\*;
  2. (..)\*\*;
  3. (..)\*\*;
- da je konsolidovani prihod (..)\*\*i povezanih lica u 2015. godini kao godini koja prethodi potencijalnoj koncentraciji na tržištu Bosne i Hercegovine iznosio (..)\*\* KM, dok na svjetskom tržištu nisu imali ostvarenih prihoda;

---

<sup>1</sup> (..)\*\* podaci predstavljaju poslovnu tajnu

- da je prihod grupe povezanih lica (drugog učesnika potencijalne koncentracije) kojoj pripadaju (..)\*\*\* i (..)\*\*\*u 2015. godini prelaze pragove određene članom 14. Zakona o konkurenciji, odnosno predmetna grupa ima prihode koji su veći od 100.000.000 KM na svjetskom tržištu, i prihode koji su veći od 8.000.000 KM na tržištu Bosne i Hercegovine;
- da je zajedničko učešće učesnika na tržištu Bosne i Hercegovine značajno niže od 40% (relevantno tržište trgovine na malo motornim gorivima u Bosni i Hercegovini)

Konkurencijsko vijeće kao bitne za odgovor na Zahtjev ističe odredbe člana 12. stav (1) i stav (2) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon), koje glase:

„(1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
  - 1) sticanjem kupovinom većine dionica ili učešća osnovnog kapitala; ili
  - 2) sticanjem većine prava glasa; ili
  - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih subjekata, koji djeluju kao nezavisan privredni subjekt.

(2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Članom 14. stav (1) Zakona, propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Član 2. Odluke pojašnjava član 14. stav (1) Zakona i glasi:

"Namjeravanu koncentraciju privrednih subjekata iz člana 12. Zakona, učesnici koncentracije su obavezni prijaviti i to:

- a) privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. tačke a) i b) Zakona, i
- b) privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. tačka b) Zakona.”

Ovo Mišljenje, Konkurencijsko vijeće daje isključivo na osnovu podataka navedenih u Zahtjevu i na osnovu istih je ocijenilo da nisu ispunjeni uslovi iz člana 14. stav (1) tačke b) Zakona, te u tom smislu ne postoji obaveza podnošenja prijave koncentracije.

Ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

**Predsjednica**

**mr. Arijana Regoda - Dražić**